

續修四庫全書

《續修四庫全書》編纂委員會編

續修四庫全書

上海古籍出版社

一三四〇・集部・別集類

西浙泉厓邵先生文集十卷 西浙泉厓邵先生詩集十卷（詩集卷八至卷十）〔明〕邵經濟撰……………一

畏齋薛先生藝文類稿十四卷 畏齋薛先生藝文類稿續集三卷 〔明〕薛 甲撰……………八一

少室山人集二十五卷 〔明〕楊本仁撰……………二五九

李中麓閒居集十二卷（卷一至卷五） 〔明〕李開先撰……………四二三

西浙泉厓邵先生詩集卷之八

西蜀門人晉齋曾騰鳳梓

西蜀門人兩都張蜀良校

畫竹爲鶴汀馬子題

直幹操逾勁叢篁節不群春風歌渭曲夜雨泣湘紋未
許凌霄漢偏宜近水雲冰霜轉摧落把酒更思君

江上

江上波濤惡人間風浪深去帆懸自正傍險路難禁
蟾蜍天舞蛟龍縮地吟經春看蟄起苦海變甘霖

王濟時擢霍山邑博

泉厓詩集卷之八

宮牆同抱藝簪紱近分行老我花潭月多君芹水香端
居惟矩範小試亦翱翔此日春風轉應憐雲水長

病雀痛梧兒

梁園有雛雀學舞不知勞忽爾摧冰雪猶能刷羽毛還
月惟玉屑續骨定金膏安得全風翻飛飛出九臯

柳亭亭子賞牡丹席上得陽字

六花分冶色百雉出酣粧冉冉雲依樹娟娟月近牆錦
心金作埒翠珮玉生香不怙昭陽寵移根醉洛陽

夏寒樓

天火司南服高天日夜流乾坤無着地樓閣轉添秋枕

單風生腋廉櫺月上釣梅花何處落吹笛過江州

玄都秋錢後屏給舍限春宿左省韻

東括題封客函湖載酒過石壇秋雨過蕉葉晚風多丹
竈閑龍虎清朝且珮珂君當扶日輦我柰白雲何

八月八晚有懷棘院

織纖秋空月皎皎明華簪攬手不盈剎控弦殊未諳蘭
堂幽意愜桂院香風酣晴雲駛欲流瑞靄光煙嵐

十三夜喜見月華

中秋遲後夜華月故先酣七寶漾金玦下花明玉潭秦
樓初鳳吹蕭史且鳶駢白髮仍孤影當詞可自堪

泉厓詩集卷之八

中秋西齋夜興

片月過東樓西齋花影稠虬龍蟠石壁烏鵲隱林丘漢
使星桂遠唐宗金鏡留何當照邊塞萬里迥添愁

十六夜西湖放舟

湖上今宵月盈盈秋水涵玉容粧不減珠魄淚常酣袖
拂雲和溢杯傳露釀甘坐來清沁骨欲向可誰談

十八日浙江觀潮三首

觀潮勢數子出郭儼諸昆野服開江閣深杯接海門百
年占氣勢萬里足平吞何日風雷動相看秋水痕
月滿秋生彩潮橫夜荐雷九龍掀海立萬馬突雲來鷗

鳥輕能狎漁舟浪不猜客心轉傾覆世路更喧逐
湖長喧人語潮迴櫓鼓聲銀河盤地起珠闕負風行伍
子魂無賴孤忠氣若生雲中驂鐵騎天外觀神兵

晚過蓉峰對酒

長夏滯繁陰涼颼晚更侵清尊歡共賞短葛怯難禁暫
拾花邊句還傳天外音百年叨倚玉何日報南金

七夕

開情此歡觀芳賞及聞宵會得雙星會相看百恨消蘭
飈延皓魄蕙渥滯春嬌只尺河陰別番憎烏鵲橋

來秋剗半百全夕且開尊未即頭顱白先辭簿領煩輝

泉雁詩集卷之八

三

輝月初彩嬈嬈雀孤騫忽爾籬聲發條然動紫垣

七月九日志雨

急雨奔風馬崩雷迸火龍軒除滄海變天際白雲封暑
氣祛三伏豐年卜九農閑庭無吏事沾對且從容

八月十日曉出祀東嶽見霞光刺天千態萬狀少

焉日出散作雲氣祀畢因登北高峰得四首

曉起出西郭霞章煥錦文九天虬虎變萬里鳳鸞分頃
刻生初日回看殫白雲秋來占甲子此日荷氣益

四山圍福地五嶽駐僊檐香火神如在蠶田歲可占清

曹分法案神木代靈籤我豈參玄者瞻沁爾更嚴

瞻禮趨東嶽登攀上北峰雲平橫萬畝天遠見孤松更
陟險何極還歌咲且從煙霞滿山谷去住任吾蹤
絕頂風霜古凌虛鳥鵲開山空秋在樹日遠塔開飽
我青精飯憐渠白玉顏玄臺拾瑤草昏黑未應還

中秋坐月因感湖約之爽

雨過風生袂雲開月在顛何緣秋煥彩有約夜登筵蕭
史驂騫日張郎犯斗年姮娥千古在今夕可誰憐

題山遊曉騎圖

騰踏過溪橋東風上柳條鳥啼餘翠箔花落盡紅綃飛
閣天難度坳堂春可描相期尊酒共日莫卸金鑣

泉雁詩集卷之八

四

昭慶寺

訪春山富憲副
留宿覺而賦此

秋光明佛閣夕靄布香臺坐見花如霰懸知劫已灰空
門無色相客枕忽春雷只此可棲息何堪霜鴈哀

瑪瑙山居

已下八首俱儲真山
陸給事遊燕之作

雲鎖山居淨風邀野客過晚煙依樹杪秋色滿岩阿佳
節酬黃菊閒情展薜蘿坐來尊酒共林外忽樵歌

初陽臺

荒臺絕頂上卮酒復同君午夜觀初日高天坐夕曛厓
危亭可構竹淺徑初分何處傳笙雀超然出世紛

蘇公堤

秋日蘇堤曲春風話舊遊柳邊煙水濶花外錦雲稠公
子斯金勒佳人醉玉樓獨憐芳草路不改向來愁

放雀亭

雀駐空亭夢梅招處士魂雲深孤嶼遠日落萬山昏不
仕從吾拙無家尚爾存至今湖上水清徹照乾坤

石屋洞

千盤張石罅萬佛殿山堂雲卧蒼苔冷岩棲白晝長閒
心紛對酒野菊故含香何事棠陵老高坐空短牆

煙霞洞

洞口煙霞滿春來草木深象峰躡可鼻龍谷吼成音坐
泉屋詩集卷之八

石絕塵想移尊歡客心山空遲落日歸去興難禁

龍井

落日下山谿泉聲路不迷一泓秋水淨獨石野藤籬龍
去雲常在春來鳥自啼十年話形勝尊酒爲君携

一片雲

一片雲何日孤飛落九天曉風吹不散煙月照還妍翡
翠晴堪翫芙蓉秋可憐清陰滿芳樹忽墮酒杯前

紫雲洞

黝蚪穿玄竅空濛散紫雲風閒隻雀下雨足九龍分靜
僻便幽托凡喧總不聞春深湖上路花落任紛紛

九日山居

以下四首王翳山
秋卿招遊之作

四筵張野寺九日醉荒臺離菊黃初把山花紫並開衰
嶺秋樹杪高鴈晚雲隈極浦寒江色霏霏落酒杯

巾子峰

弦月斜侵竹巾峰嶄入雲亦知風景好還共笑歌醺籍
草移芳酌攀花坐小芬忽隨鴻鴈去天外自爲群

寶石山登塔各一首

寶石山頭出丹梯一徑連清秋高鳥語白日老僧眠塔
古蒼龍見湖開玉鏡懸因之發星海同犯斗牛躔

浮圖新法界絕頂此登臨星斗迴元氣江湖落梵音龍

泉屋詩集卷之八

疑春出海雀可夜開林我欲乘風去高天萬里心

冬仲過桐鄉謁孫槐溪貞肅堂對菊二首

客去風塵淨亭空鳥雀喧尋詩閒對酒把菊忽忘言病
葉寒仍綠叢芳晚更繁爲憐搖落後叅對坐晴軒

晴日暄冬候淩霜野菊英寒香秋未老高槩客同清的
風依砌輝輝月在屏東籬有遺興還向醉中生

癸亥篇應兩湖蕭憲使請爲清癯周子賦

有客癯于雀脩然不可群蜚聲動湖海灑翰失風雲露
夜心先警寒江影欲分梁園冰雪後千里忽思君

玉泉寺限韻

已下六首皆豐村
金道長山遊之作

紺殿雲常合珠泉晚更清林深初見月春去始聞鶯
豆甲鮮登品尊絲滑可羹詩成一飽後吟向醉先行

下天竺

佛國西來遠蓮臺第一程開山經幾劫坐石話三生
梵塔孤難倚流泉曲可觥僧伽不好客來徃但鐘迎

中天竺

涼月上東林中天落梵音清齋僧入供上客夜開襟
激吭風前窈幽樓霜後禽聞雲分半榻淨土結同心

上天竺

上竺轉遙遙諸天伴寂寥五峰迎旭日雙樹接青霄
佛泉厓詩集卷之八

雨花常綴慈雲鉢可招酌來泉下水俗骨此全銷

虎跑泉

一翺虎跑泉重來記昔年綠空千劫後景在萬山前路
轉蒼此出亭虛玉鏡懸坡仙風格異石壁示真傳

真珠泉

野寺石橋東珠泉濺碧空靈壘明佛頂隱隱見花宮
龍戲雲常住魚吹浪不同一軒覺神爽衆妙與心通

題清遠張子蘭竹圖次東涯韻

蒼珮和瓊玖青衫失綺羅湘君此節槩楚客空品阿鳳
鳥日初下春心香轉多美人如可即與子共高歌

吳中和昆季移尊泛太湖三首

放歌凌震澤把酒酌陽山風日天常淨煙波晴可攀
昔憐塵海闊今見白雲閑蝦菜堪供給輕舸去復還

落日洞庭水長風生遠波雲霞開寶鏡霄漢接銀河
楚澤名元重吳門勝轉多一尊千頃外相共笑顏酡

主人移野席客子尚餘醺陵谷幾時變沙鷗不可群
波涵天萬里雲歛浪平分返棹清溪上菱歌隔浦聞

中秋亭下對酒限韻

筠華搏露砌桂影上風簾坐酒心應爽分題興轉添
鱗棲鳥羽短隱見兔毫纖便欲飛仙去雲霞青可檐

泉厓詩集卷之八

題畫

磻壑生新漲叢林展舊柯琴心流水遠階面白雲多
偶坐情偏適同來興若何長風滿修竹留醉聽樵歌

沙短全侵渚楓酣半入雲高江歸晚櫂小艇蕩斜曛
野客夜誰與初秋月未分坐來轉岑寂獨窅杳相聞

入勝果山坐月厓亭移尊御教塲和近山韻二首
窈窕經蒼壑平凌上古臺鍾聲花外盡松影日邊來天

地此奇觀江湖一舉杯春風且披拂涼月更低回
月嶠雲常結山亭景自宜萬峰當戶坵一逕隔谿危野

酌臨殘照流鶯正滿枝高懷愜幽賞不問夜何其

新正八日飲王曉山西園月下聽歌用來韻

初春芳讌集斜日小牕明竹葉尊前過梅花笑底迎鸞
簪平度曲鳳吹不聞聲扶醉乘涼月含情棹杵鳴

題海棠碧桃畫

玉容凝露重丹臉襯霞明不道春前發偏憐月下傾
霓裳歌未歇楚楚慙難平曾似交歡樹生香更有情

題東溪草堂和三石太府韻

曉日輝瑤席春風滿畫堂煙花憐老眼魚鳥樂新塘近
含情偏適閑尊興轉長水雲看不盡流翰欲淋浪

水檻懷人

及厓詩集卷之八

九

湖光延短照樹杪挹高風有客煙霞癖懷人笑語叢亭
心扶水葦波面艷花宮坐酒忽當夕長歌渾未終

湖陂坐月

片月上冰弦初更度遠天玉容臨水淺珠箔傍秋妍入
浦漁燈沒平湖塔影懸坐來風露重清徹見嬋娟

竹深留奕

萬竹結平林高天暑不侵一枰思得算六月坐開襟打
撲從君勝縱橫漫可尋祇緣消長日誰復下機心

昭慶飯僧

禪壇乞靈雨一盡佛前燈野客同齋供多君亦飯僧露

葵清入饌水荇脆含冰何日龍宮發風雷迅可乘

雲居待雨

荒臺筌雀下聖水鉢龍蟠雲滄千林黑風屯萬木喧
情來劍珮笑口此琴尊沾沛且今夕豐登何處村

賓山閑尊

麗藻識湯休閑官已白頭青山春作伴野宿夜誰儔
客花前醉看雲石上留高天涼意動把袂不勝秋

溪堂坐雨

山館近山之館溪堂西溪之堂
蓋飲山館而冒雨過溪堂也

山館雨回湍溪堂風滿闌芙蓉臨水媚鵲雀過雲難萬
畝青成望三農淚轉彈入秋秧欲老曾得便交歡

泉厓詩集卷之八

十

谷口回車

別去忽經旬歸來問水濱偶逢傳小隊長笑動清塵出
寺意欲往迴輶情且信爲憐脩竹好坐對淨心神

僧扇和言

山僧說廣濡雲水結行居未振風前錫先驟長者車清
齋留客話開扇索吾書番愧塵襟惡閑心爾不如

一菴博對

星郎棲寶刹法駕過雲林遂弭山陰楫誰爲梁父吟春
風憐舊燕夜雨會初心閣酒當遲局呼盧索共斟

荻港聽歌

風迅扶蘆洲帆輕自在流歌聲來別浦月色遙扁舟曲
轉寒機語腔回錦瑟愁水雲收不盡翻弄一天秋

雙林乞巧

漫游經雪水乞巧傍東林野核甘誰共村膠薄且斟星
河千古事派矢百年心涼月憐秋杵長風聞夜琴

龜溪憶友

棹入龜溪路停橈夜未分風喧驚大海月黑怯愁雲柳
水魚龍滙懸情鷗鳥群河陽何處是花氣隔溪聞

石屋尋幽

步屨趁朝暇乘軒歷遠村南屏蒼檜合石屋翠筠屯玄
泉詩集卷之八

寶斜涵日雲厓巧着根青螺盤地底竅入海西門

詩輓孫室倪孺人

堂北商歌動湖西別淚彈上弦悲去崔臨鏡泣離鵲鞠
我恩誰並亡人心已安九原膺大寵十錫望飛翰

除夕即事

歲徂憐盡夜雨浥故增寒臘送屠蘇酒春傳生菜盤迎
年粘彩燕辟惡試神丹何事東風晚梅花雪後看

乙巳元日

是年閏正月故云

龍基綿鳳曆二十四回春端月歸餘閏條風轉大鈞蛇
年亨啓泰雀髮老隨人時序流無盡浮生過眼頻

七日禮法相寺

湖南長耳佛頂現定光珠萬劫身猶在三生髮不誅瞻
心遲遠道步禮競先駢為爾多靈異還予翊鳳雛

春日過明山話舊晚過少嶺出南都卷更酌二首

燕集歡如搆尊開興不慳臺高氷雪外春在笑談間藻

思推雙駕金閨宛二班明山論心十年好長夢到燕山

少嶺更酌白石尚傳觴醉裏情逾浹前話轉長牙

籤君入座玉組晚生香冠珮鍾山勝開函意不忘

題一日明山少嶺龍崑三監司過予對奕

茅堂春意動憲節曉雲聯瑞靄臨端月台辰歷上驪關

泉屋詩集卷之八

十三

襟聊坐酒當局早稱玄愧我無供給何緣取醉眠

亭川板朝溪少嶺諸公飲天然圖畫閣限韻二首

賓朋拚共醉風日未應慳人坐白雲外春回疎柳間酒

觴真自別詩興為誰斑雨過添蒼翠湖南出遠山

尊酒滌芳駕盤飧屬老慳湖天迷雨外閣道出雲間近

柳條新綠輕鷗點舊斑高懷不終夕燈火下前山

閩正朔日出舍喜晴有感往回得二首

正元劉歷閏初甲喜開晴二麥占先秀三農一晚成野

蒿回宿土啼鳥換春聲我欲乘中夜高天未啓明

問舍出西郭牽帷迎曉晴田疇傷往昨禾黍半生成室

有蒼黃色村無雞犬聲河梁不可度急樂發平明

八日飲王曉山上舍

昨歲今宵讌春風逸少家歌聲流几席月色上牕紗會
再筵開閨情濃酒汎霞徘徊喧檻馬羞澁亂林鴉

題梅津卷兼簡豐村和甬江韻

不憐濟渡者番憶咏花人涉險戴傾覆含香全性真延
平春入夢山谷齒生津昨過湖西路東風爲寫神

春暮丁溪舟行乘月看竹二首

丁溪溪上月全照翠簷當炎岬風煙細一尊雲水長閒
心歌楚曲客夢下瀟湘更聽枝頭鳥喧怯夜涼

吳厓詩集卷之八

十三

稍雲開徑遠載月抱溪危露重衣沾濕灘高舟上遲爲
憐春欲莫不問夜何其入舍晨光發呼燈泛酒卮

冒雨過長明招提訪金玉泉兼簡小山華津二棋

友二首

入寺玄雲結迴廊白雨過高人此棲息長夏獨行歌習
靜心能覺耽奇景自多瑤篇開藻思惠我慰山阿

急雨鳴僧舍長煙鎖石林甚懸殘局面坐見下機心突
去雲同遠回憐雀可尋百年幾良晤何處說朋簪

梔子花

階前淺澹葡萄綠去後芬菲未吐香千蕊全開玉一團臨

風還的的帶雨故輝輝爲憶吳姬晚輕盈月夜歸

玉泉亭子飲錢退齋參知掌憲入楚簡畬龍嘉憲

金五首

掄魁推翰史執憲動臺旌雨過湖陂潤秋高湘水平一
尊延去思千里重交情櫪下龍駒發風前寶劍鳴

十年端範地此別益沾巾桃李春成望雲霄化已神飛
騰看不定瞻念可誰倫少室鬼東服搖光切漢津

此闕新恩重西湖舊雨多瞻違勤遠托惜別盡悲歌此
去三山遠須乘九夏過楓亭丹荔熟欲寄謂予何

長日來芳駕清尊向水亭亦知不成飲聊以慰離情把

吳厓詩集卷之八

十四

袂煙霞隔論心風雨驚高天懸日月偏照五侯城

楚水多才子憐才今見君乾坤悲屈賈孤憤失風雲邇
近人如昨吹噓日未曛暫予同草莽何復歎離群

豫陽田兄移尊過陳氏園林見訪坐雨

野竹深無暑村醪薄可醒閒情來俎豆高誼動清冥風
葉翻雲亂煙稍刷雨腥論詩或不媿昏黑坐林坰

七夕望雨

七夕苦不雨北風徒自號明河懸碧落纖月掛林臯烏
鵲填斯盡羣牛渡轉勞滂沱應曉發珠滴澣蘭

初冬對菊有懷少媚監司三首

寒花持晚節冬日傍幽扉未必芳香改其如霜露晞一枝聊自適三徑足忘歸寄語陶彭澤無勞問白衣

黃花甘冷淡偏借艷陽開節去香猶勝春先手自栽李
飛翻着意蜂蝶莫深猜幸不終塵土無端近草萊

對菊茅堂暮懷人玉樹秋影寒依砌短香遠隔林幽露
葉垂新恨風枝展舊愁清尊過知己何日賞心疇

松泉鍾丈拉飲吳山之涵秋閣

初冬風日好高閣正涵秋樹色連蒼嶠煙光明遠丘湖

山全對酒城郭半藏樓安得博輕翼閒心學野鷗

晴川宋子華招飲花前惜別

泉莊詩集卷之八

五

舊艷憐遲暮新芳及小春繁華思共賞搖落獨相親烏
帽花千朶清歌酒一巡分枝應旦夕愁絕對風塵

洛原白子開筵北庄簫笛代作侑酒賦二曲以識

別

何處簫聲發林深淨可聽雙鷺來別嶼獨雀下寒汀
駐留丹壑還飛入紫冥松風雜清響曲罷有餘醒
短篷橫高隼淒清急暮雲落梅番作態折柳不堪聞
邊塞春還雪關河日未暝一聲天萬里况復隔溪分

西湖曲

初夏開芳艷長風掠畫船野桃紛結子堤柳日成眠興

飲歸雲菴和箬溪顧中丞韻

在千山外歌廻尊酒邊湖光不可盡移向卷圖傳
崑廬喧鼓吹徑仄啓柴扉山下雨初過溪頭雲未歸
稍迷醉眼石角欹朝衣坐久星河出南宮雀正飛

過松雪讀書閣入清容軒坐雨尋西隱禪房各一

首

軒敞涼飈集簷虛急雨過客來尋舊隱雀去失行窩
轉饒鷗雁塘閒足芰荷當年書閣在常傍佛維摩
赤日苦何極移舟向小軒清容依淨水西隱出叢樊
無礙心俱寂因詩思轉煩王孫舊棲息藻翰動祇園

泉莊詩集卷之八

十六

題楊竹村太府靜思館四章

退食軒虛淨幽棲石徑斜竹風團翠雨花露裊紅霞
客至情逾洽秋來興轉嘉一尊臨月宇雙駕集星槎
路轉出林塘亭虛隱石梁水風牽荷細山雨拂荷涼
俯檻魚雙躍開簾燕獨忙角巾敬晚席高影入雲長
恹恹石雲同瘦山亭風漸高龍歸依洞口虎據出林泉
雄視千人雋端厯百世豪長松發天籟萬里一呼號
當軒雙石筍文繡倚雲間疑是支機出懸知醒酒來
塵然娛燕寢忽爾動風雷慙媿逢君晚訝終笑舉杯
丁未元夕前飲陳小隱家和近山韻

燈宵明夜是春酒此筵開爲十花前月先傳天上杯歌
童新作態坐客笑應迴慙愧論詩句云誰倚馬才

次夜飲近山草堂疊韻

珠雨清塵過華燈拂輦開相看今夜月况復故人杯飲
劇歡同賞詩成曲未迴長跨金馬客高騁碧雞才

青芝陳揮衛子子開武魁張庭庄樓即事二首

霏雨出城郭湖頭新水生野柳紆醉臉山鳥弄春聲開
閣人何在登樓賦已成將軍能好客尊酒漫論兵

玉樹陳庭曲青芝漢殿香武塲新擢桂國手舊穿楊高
興乘春發風情傍酒償歸來湖上路燈火亂波塘

泉厓詩集卷之八

七

過大佛寺訪豐村金大巡明日湖上吊述仙各一

首

初春來法駕斜日構山堂社稷心猶赤風塵裏欲蒼感
思天外淚笑語佛前香歸路逢僧便裁詩寄上方

弭棹緣山麓移尊坐石臺孤墳憐舊隱千古亦荒苔
崔嵬人語寒梅傍酒開啣杯遲落日曲罷有餘哀

棠兒初度示勉二首

吾兒今二十骨髮始生神抱子已稱父娛親良致身
高看鶚薦天淨見龍鱗書錦堂開日相期萬里津

吾兒今二十笑口對壺觴喜見雲霄志須開錦繡腸

顧先認理落筆始成章努力彙時發顏顏亦寵光

代壽王母朱孺人七十

二月北堂上萱花春早開一枝迎壽竿千日醉仙臺王
母天同老西池宴幾回蟠桃今熟否青鳥可飛來

竹墟篇爲屠大叅年兄賦

亭墟見修竹瀟洒人爭憐風度九江雨水深千樹煙涼
陰流几案高舉出雲天我豈肉食相感君無棄捐

水部王弘宇留讌東湖亭時鸞語如簧薔薇散綺

吹簫代鼓移席催花相與爲樂簡謝二首

春莫聞啼鳥閒亭過雨深數聲低度曲百轉巧論心伐

泉厓詩集卷之八

八

木流風雅遷喬足好音一枝暫棲息千里共追尋

水部園亭好春歸花未稀臨風時冉冉帶雨正輝輝小

折催簫發紅香傍酒飛上林元盛賞此日更芳菲

弘宇以湘湖蓴菜見貽詩以簡舍

吳下推風味江東今更奇常誇士龍羨不負季鷹思水

部清如玉香羹脆若絲吟邊重分惠飭下覓華滋

題水蘭花扇面

華月夜將滿水蘭春早開恍疑蒼玉珮飛步白雲臺風

前香欲語露下泣誰猜此日唐昌祝遊仙夢未回

東涯失偶走吊因論時事夜分乃別感而賦此三

曉行

煙霞凝結遠公社山水應嗤中散遊露下草根沙磧曉
月明樹杪寒垣秋怯寒不惜征衫薄得句還憑浪眼酬
何日請留雙玉鳥好從青海問丹丘

白石塘候白石不至

白石山人來不來路逢白石山坊開青霄有約鶴欲下
錦樹無風秋自哀花鳥江頭晉汝共松蘿今日今誰猜
停雲挂節一騁望芝駕遠然何處臺

長溝道中聞白石至志喜

長溝停驂張午炊風塵拂面悲路岐報道故人出谷口
泉屋詩集卷之九

脩然高蓋來天涯張華自信雙龍劍韓愈驚鏡一鳥詩
莫把閒情盡詞賦百年青髯易成絲

雲卧山房賦古松分韻得雲字

月下登臺夜未分蒼松屹立迥難群秋聲忽捲千山雨
月色遙連萬壑雲喜有高賢叨共賞可無詩句漫相聞
春花揺落知多少羨爾昂藏出世紛

偕白石遊西山和衡山入山韻

寒花小草摠閑情踏入西岩眼界明翠壁丹厓千障合
倉曹水部兩難并官閑暫得煙霞味心遠遙聞鐘鼓聲
五日駢駢出城郭攀林踏閣夢中行

別

士元天下士長望水雲間法從風軒出開心江渚還舟
航遠十里魂夢且三山把袂重君別裁詩一解顏

承恩寺飲百川張叅藩對局時判寧國感賦二首

百丈龍川子十年薇省臣風塵青眼舊江漢白頭新兩
過涼生夜尊開笑近春僧堂足幽賞客邸見天真
百丈龍川子看花今幾春曲江同走馬豐沛隔清塵
慨燈前酌棲遲物外身閒情呼陸博變態巧生神

林雲山地卿聞他泉秋卿李友軒國子邵南溪鄭

澹泉太卿開讌雞鳴山之延虛閣

泉屋詩集卷之八

二十

閑迥風生牖簷虛月到軒清歌翻野唱良晤動星垣五
鳳瞻雲切隻龍捧日尊擎杯話年好芳賞更誰論

東瀾沸泉雲山三兄開燕文場移尊飛虹橋得紅

字

虹橋飛藝院燕集醉花宮道論隨時格交情從古風雨
塘侵草綠夕照引杯紅入夜生新爽清歌興不窮

明日三兄偕百川開尊承恩禪堂留別

佛境懸孤月棹臺集五星新腔還共醉宿酒未全醒遠
吹流清梵長松隱翠屏明朝分去袂野雀下雲汀
上興遇雨放舟抵溧陽簡謝復南蔡尹四首

久客懷歸切孤征怯路賒月明猶度馬風急更浮槎赤
電驅蕩薄黃羅剝木花泥塗沾濕盡危坐理南華

深陽開水部候吏隔溪迎未覓風前句先傳郊外情村
村無夜吠望望足秋成十二橋頭月清光照遠行雙南

報最三年近河陽花已深金門春似海青瑣晝常陰德政

賦誰能補隻南不媿心垣陴清漏淨梧竹自成吟

傾蓋歡如舊開筵樂更多清尊遲劍珮赤日下關河鄉

夢憑誰發歸心謂我何感君惠舟楫千里一經過

沈南泉過草堂夜叙一首

高懷良未已步月過隣家酹酒醉還燕青梅啖可誇酸

泉莊詩集卷之八

廿一

幸知世味放浪足生涯堆劍當歌發丰神凌紫霞

挽友

八十年來夢經營道里長烏紗延壽愷白髮有輝光忽

爾辭塵世蕭然悲夜堂風前歌殫露猶崔倍淒涼

詣南泉歸至硤石晚泊紫薇山夜發感賦二首

雪後開新霽茶湖一棹還月明醒醉眼風淨破愁顏交

誼形骸外歡情詩酒間停棹慙棲息魂夢繞西山

舟行寒及夕別去話猶繁野泊無歸東郵沾且笑言鄰

雞先曉唱山犬隔林喧不寐催星發風掀急梁翻

鉛山遭回堂濮水部話舊惜別

離違三十稊晤語此朝昏桐汭花經眼鷺湖崔在軒溪
橋看短劔水部羨長轅為憶含香署分携且笑言

嘉禾飲少泉給事次即席口占韻

劫來甘吏隱老去學逃名短葛含風出輕舸生月明裁

詩知已淚把袂故人情醉語不能別感君還復迎

賀陳南榮晉貳金華守次少泉沈給舍韻

報政嘉禾郡移宮寶婺州薰風拂西水華月度南樓戶

杌千年在民有位祀南榮者琴尊兩浙留知君清廟器早晚控

天球

姑蘇簡竹坪何地卿舉權許聖閣

泉莊詩集卷之八

廿一

吳門朝雨歇丹楫晚生涼矯首故人遠瞻言新水長兼

葭秋入望越柳夜分行何處聞津在相將話夕陽

入廣陵風景清逸絕勝江南對酒懷石橋方太府

維揚佳麗地一水湛秋冥高柳含風碧長蘆夾岸青懷

人先怯別坐酒漫愁醒入暮遲舟楫瓊花香滿汀

中秋前夕乘月過水竹田子歸舟漫興賦簡水竹

路出小東門秋蟾淨水痕桂華香入夢免甯缺誰論未

赴嫦娥約懸知素女覓來宵應美滿悵望此朝昏

題水竹

水竹舊吾居君才水竹如清流還自似瘦影未全疎峽口噴珠玉風前鳴珮琚淇園三五畝埜興足還遽

高郵遇查守九一話鄉曲夜發奉簡

孟城涵淨水鎖扉殿長堤官柳鬱堪折水蟾高可携江鄉勤問訊燈火散輪蹄更得櫓風便夜深仍鼓鼙

晚宜堂坐晚與蓮湖地卿入寄亭觀蓮因簡蓮湖

北路淨湖陂清江晚更宜亭心開水萼波面漾風枝高蓋臨書幌紅香入酒卮濂溪有遺思千古共襟期

泊徐暉山方地卿過我招飲

秋日媚彭城黃河隔嶺清倉曹勤駕從水部魏才名傾

泉唐詩集卷之八

三

蓋心應醉分杯思轉繁長風千里便野雀入雲輕

偕趙侯齋大叅飲彭仙洲水部新亭簡謝二首

晴日麗秋原仙曹集使軒論詩風格異當局露華繁夜寢不知警宵禽者自喧新交深舊雅執手已忘言

水部十洲仙仙洲更麗然寵光千樹草容與半池蓮入

院香風細留尊華月妍夜闌仍轉燭生雀下瑤天

沾頭暉綠槐堂覽都水題名簡吳竺原曹長

秋水喜平隄関河路不迷維舟來笑語傾蓋荷招携半

榻高槐陰一聯豐石題清曹慙棟臺名與大賢齊

暉山開燕戲馬臺陀山寺和仙洲韻二首

國皆汴水故云

山嶠秋日薄雨過晚煙開斷碣全紆草虛堂半蝕苔卧牛談古郡戲馬上高臺燈火喧歸路城頭鼓角哀殊方金酒共勝地綺筵開古佛多黃土新亭亦紫苔流偏抱郭斜日更登臺靈業今何在秋風生暮哀

濟上宿天井過柳州王兩溪夜話愴懷

纜舸任城夜移舟濟水隈檣燈張列宿脾溜響奔雷忽過緱山駕應憐笙霍哀深更話長抱燭盡可能灰

夜發香城堡詰廣平欲乞明山連兄志室人墓

涼月媚香城輕颺掠髮生駝驢馳夜轍鼙鼓發秋聲為

泉唐詩集卷之八

廿四

臂青爲別番憐黃鳥情明山山只足躑躅度深更

石山風雨

風雨怯修程山行愁轉繁征途沾濕重驛騎刷雲輕白草荒草轍黃塵捲旆旌因恐邊塞上漂泊更含情

贈宿遷徐敬軒一首

清才典剝邑節槩見燈前撫字心應切風流政可傳長河秋入漢列宿夜開躔邂逅瞻遠裁詩寄勉旃

辛亥初春叙別南泉刑部登五雲山飲六和塔

春郊延上客長望五雲隈雨閣海天暝沙平江圻開行歌窺淺柳覓句探寒梅執手情逾洽登車首重回

飛蓋出林薄，征軺歷遠邨。山迴千障合，日轉五雲屯。瞻
禮心香共，登臨法界尊。凌虛動遐想，江海欲平吞。
浮圖千劫後，識界六根清。野鳥去還語，江雲愁轉生。分
杯延別緒，把劍動交情。君赴蛟龍關，行看萬里程。

題赤壁圖

惟石峰頭落長松，磯底迴清尊。高客共明月，片帆開詞
賦。雄千古，游歌定幾回。孤飛玄雀下，遙指白雲隈。

枉歙程原習悅齋過西湖話舊

長夏涼飈發，移舟湖水隈。百年渾道義，此日荷追陪。細
笛吹花落，清尊拂柳開。山亭尋舊隱，放雀未應回。

泉唐詩集卷之八

七

端陽再枉草堂燕叙

午日泛蒲觴，葵榴花正芳。一尊過舊故，千里慰門牆。念
往意何限，感今情轉長。因之歌伐木，好鳥信風翔。

程子告別有期贈言以堅嚮往之志

之子去何日，灘高江水深。長風遞歸棹，涼月惜分襟。未
遂題橋志，其如報主心。相知不相負，珍重白頭吟。

登城赴一菴唐兄飲聞有起用消息志喜

城陴延夕景，湖溆湛秋雲。老雀仍高翥，殘蟬不可聞。一
尊那遠別，萬里仗奇勛。此去君堪重，蒼生望已勤。

十月四日夢先室官人枕上口占是日宜人忌辰

高眠新菊枕，灑泣淚應斑。謾說生前夢，偏憐死後顏。驚
心鷄唱早，懊恨蝶飛還。轉轉香魂在，招搖不可攀。

首

小談速東匯入暮，始赴數巡。乃別益復悵然，客一

采采純陽子，飄飄跨雀來。童顏丹可駐，客枕夢初迴。寄
傲隨緣結，淹留何處杯。一聲雙鐵笛，吹落髮前梅。

憶別忽千日，相過喜一經。謂予頭漸白，之子眼還青。坐
酒不終夕，牽裾時轉醒。南樓高臥度，愁絕向雲汀。

壬子春莫之晦飲於泉宅與盧連城奕避暑

初暑陟酷潯，名園春未歸。當杯心轉熾，對局汗俱揮。露

泉唐詩集卷之

七

砌開紈扇風，軒展葛衣情。深不能去燈火爛餘輝。

江平石索題西井

有美城西井，泉分自鄴侯。一泓迸寒玉，九仞及玄流。短
綆將安汲，長縲任所求。渴人須爾濟，辨義足身謀。

周星橋索題明憐前川趙子卿蓋楚籍而川人也

楚客三湘望，川源萬里長。乾坤揔逆旅，魂夢自江鄉。兒
烏刊風落，芹宮過雨香。王孫芳草意，幾度醉斜陽。

湖山良晤詩別吉齋莊子一敬董浙試事

故人來浙水，吾道重文衡。桃李春常注，湖山秋轉清。六
橋頻倚棹，三竺幾懸旌。底事高簪夢，連宵風雨聲。

湖上看雪

歲朝冰雪集十日未全消玉樹萬山合瓊臺一徑遙梅
窺香共冷宦夢怨誰招獨立南湖曲尋詩出畫橋

郭外探春

燈夕始除臘湖天今見春林鶯初解語隄柳半含顰律
轉陽開泰人生月在寅老懷驚物候一歲一番新

南屏燕集

比道煩臺省南屏列几筵清歌憐雪后高飲仗春先江
海論心遠湖山入畫妍頻年藉芳讌長笑佛燈前

雪後觀梅

春雪積沒脛野梅橫見隱一枝珠蓓蕾萬里玉樓臺
思衝寒發瑤華傍酒裁東風且披拂相對重徘徊

入淮過春山李大參竹亭對奕并題座上小山二

客裡傷春莫春山酒更香開尊傍棋局燒作檯詩囊老

雀翔風健神魚勅水強百年劉幾會拚醉下江鄉

亭篠元多興盆山也自奇峰巒當戶牖谿徑隔天涯挂

笏朝來便看雲晚更宜淮南招隱地應與子爲期

次溧陽小憇戴埠妙如寺即事

山寺妙如如山僧啓候予林樵灰竹筍畦老爾花蔬筒

色

陰滿階除

何水亭開燕東園即戲有感石亭都諫

雨過風塵淨園開花木深葵榴先午節禽鳥尚春音對

酒傷朋舊懷忠自古今百年渾是戲曲罷淡沾襟

六月念四諸昆山人行飲王泉晚登智果山居簡峰

上人因憶昔游參寥泉時荷面雨聲之景追賦

三首

赤日延殘暑玄蟬咽早秋肩輿湖上路尊酒寺邊樓取

醉耽魚躍行歌任鳥求勸酬兄共弟此樂真天游

吳虎詩集卷之八

斜日度山谿山居雲水西泉甘新甃石湖淨舊分隄桷

子崑棲便游人野望迷巾峰自孤寂爲爾一留題

壯翅昔垂谿相過湖水西平臺依古梵飛閣瞰長隄雨

急聲中斷荷香花外迷參寥何處景追復舊分題

浮峰張方伯入廣席上和既白王孫韻

霜降氣應肅天高日轉舒杯稍同榜淚扇草異人書塵

海苦無際星礎安所如夜分且更燭涼露下階除

甲寅初春東湖亭和六亭水部賞梅韻

鐵幹回丹頰槎牙湖水東夫然標格在底似不教工春

色何緣別孤山有路通香魂轉漂泊桃杏若爲同